



Anouk Eman a impresiona durante campeonato nacional di Merca di synchro

Cu bista riba medaya!



ORANJESTAD (AAN)--- Cu bista riba medaya e landadora sincroniza di Aruba, Anouk Eman, a causa un impacto durante e Campeonato Nacional di Merca di landamento sincroniza, cu ta tumanando lugar actualmente na Greensboro, North Carolina. Combinando den e duet cu Reem Abdelazem,

procedente di Egipto, nan a presenta un rutina di cual e coreografia tabata e atracción di e campeonato y cu tur hende tabata ansioso pa mira. Anouk y Reem tin dos aña landando hunto cu e equipo di Lindenwood University, bou guía di entrenadora Lori Eaton, cu ta sumamente satisfecho di e presentación di su alum-

nonan. Mientras cu Aruba ta conoci internacionalmente pa su programa den e deporte di landamento sincroniza y a produci varios atleta di nivel halto, cu a logra titulonan importante pa nos país, esaki ta prome biaha cu un landador sincroniza di nos isla ta logra yega asina leu na Merca, un potencia mun-



dial den e deporte aki.

Na final di e prueba preliminar, e duet di Anouk y Reem ta posiciona firmemente na tercer puesto, cu bista pues riba un medaya durante e finalnan cu ta programa pa tuma lugar diasabra mainta den e compleho acuatico na Greensboro. Remarcable ta cu na prome lugar na e momento aki ta e otro du-

eto di e mesun equipo di Lindenwood University, sigui na segundo puesto pa e dueto di Walnut Creek Aquanats di California.

COA ta desea Anouk Eman y su compañera di duet Reem tur clase di éxito cu nan actuación diasabra, sperando cu nan lo sa di logra un bon resultado un biaha mas.